


# 大日本史

九十三

第二百二十七卷 叛臣列傳  
 吉備上道田狹 藤原仲麻呂  
 弓削道鏡  
 第二百二十八卷 叛臣列傳  
 平將門 藤原純友 平忠常  
 安倍賴時 源義親

和書門	二〇	二五	三八
類	五	五	八
函號	二	三	八
架	五〇	二	三
冊	一	二	三

内閣文庫	
番號	和 20258
冊數	150 ( 93 )
函號	138 105
架	冊 〇五
類	六五 歴和



大日本史卷之二百二十七

淺草文庫

列傳第一百五十四

權中納言從三位源光因

權中納言從三位綱條


權中納言從三位治保重校

叛臣

吉備田狹

藤原仲麻呂

削道鏡



大日本史 卷之二百二十七 列傳

易曰雷電噬嗑先王以明罰勅法聖人釋上  
九爻義曰惡積而不可掩罪大而不可解何  
校滅耳凶夫四海之廣人民之衆一統而居  
正莫敢搖動者卑高以陳君臣之分定故也  
一有間隔離畔小則懲戒大則誅戮必除去  
而使之合然後天下之治可得而成也昔者  
天祖敕經津主武甕槌二神鏟劇妖邪蕩定  
葦原中國然後皇孫離天磐座而降於高千  
穗峰矣自時厥後神武東征殲長髓彥景行

西伐勦熊襲梟帥肅將天威克篤前烈皆身  
橐鞬風纒雨沐使之合而和且洽莫不由斯  
道也中世多故皇綱紐解姦臣蝥賊憑陵猖  
獗或恃嬖寵之恩或席兇暴之勢或負山河  
之固或矜征討之功割據州郡震驚宮闕者  
往往有之叛亂之迹雖不同而誅夷殘滅齧  
而合之則一也春秋之法書齊豹盜三叛人  
名故曰或求名而不得或欲蓋而名章所以  
懲不義也彼庶其牟夷之徒筆誅猶嚴况罪

惡滔天、擾動輦轂者乎、若夫足利尊氏、北條  
 義時、北條高時等、舉兵犯闕、而今列之將軍  
 及家臣者、所以見時勢之變也、作叛臣傳、  
 吉備上道田狹稚武彥命後也、舊事紀載中  
 彦命子多佐  
 始為上道國造、多佐田狹音訓相通、然田狹  
 為中彥子、他無所見、而日本紀以御友別仲  
 則稚武彥命孫也、故今定為稚武彥後、別妻  
 稚媛有國色、生二子、曰兄君弟君、田狹嘗在  
 宮中、誇其友曰、天下佳人、莫若吾婦、鉛華不  
 飾、蘭澤無加、曠世罕儔、當時獨秀也、雄略帝

聞而意欲得之、乃拜田狹為任那國司、納稚  
 媛為妃、田狹聞之、怨望、據任那而叛、自往新  
 羅求援、是時新羅久不朝貢、帝詔弟君及吉  
 備海部赤尾征新羅、時西漢技工歡、因知利  
 侍帝側、奏曰、技工勝、臣者多在韓國、請召之、  
 因詔與弟君等俱往、取道百濟、宣敕貢其技  
 工、弟君等既到百濟、事竣而入新羅、有神化  
 為姬、弟君問以前程遠近、姬曰、復行一月而  
 當抵都、弟君難路遠、不伐而還、聚百濟貢技

于大島中、而稱候風、淹留數月、由狹聞而喜之、密使使戒之曰、汝之頸骨有何堅、而伐人乎、日聞帝幸汝母有子、恐禍至無日矣、汝宜據百濟、莫通日本、吾亦據任那、不復歸、弟君妻樟媛、心在國家、乃知其謀、竊殺弟君、帝遣日鷹堅磐固安錢迎之、赤尾等隨歸、稚媛為帝所幸、生星川皇子、及帝崩、皇子作難、不克而死、田狹聞亂、欲援皇子、帥舟師四十艘來赴、道聞其死、乃逃還、

日本紀、本書一說云、弟君還自百濟、獻漢手人

部、衣縫部、後不知其所終、

藤原仲麻呂、左大臣武智麻呂第二子也、為人敏警、略涉書記、從大納言阿倍少麻呂、學算數、精其術、歷內舍人、大學少允、累進從四位下、為民部卿、河內攝津、河隄、敕仲麻呂檢之、帝幸紫香樂、留守平城、天平十五年任參議、兼左京大夫、帝幸難波、又留守、尋兼近江守、十八年為式部卿、兼東山道鎮撫使、進從三位、勝寶元年任大納言、兼紫微令、中衛

大納言、兼紫微令、中衛

大將、進從二位、仲麻呂甚為孝謙帝所寵幸、  
每侍左右、四年帝幸東大寺、慶盧舍那佛像、  
還御仲麻呂田村第、自是屢幸、遂為別宮、寶  
字元年廢皇太子、立大炊王為皇太子、先是  
仲麻呂子真從卒、其婦粟田諸姉寡居、仲麻  
呂令大炊王居田村第、以諸姉妻之、至是為  
儲貳、既而置紫微內相、以仲麻呂為之、仲麻  
呂既被嬖幸、政權自己、參議橘奈良麻呂謀  
欲除之、反為所滅、連坐者多、仲麻呂兄右大

臣豐成亦左降太宰員外帥、自是仲麻呂威  
振內外、百官側目、奏言臣聞旌功不朽、有國  
之通規、思孝無窮、承家之大業、緬尋古記、淡  
海大津宮御宇、皇帝天縱聖君、聰明睿主、考  
正制度、創立章程、賜臣曾祖內大臣功田百  
町、褒敷壹匡宇內之績、世世不絕、傳至于今、  
爾來冠蓋連門、公卿奕世、竊恐富貴難久、榮  
華易凋、是以安不忘危、夕惕若厲、不虞之間  
凶徒作逆、殆傾皇室、將滅臣宗、未報先恩、芝

蘭幾敗、冀修真福、長保顯榮、山階寺維摩會者、內大臣之所起也、願主乘化、無人紹興、三十年間、此會中廢、乃至藤原朝廷、胤子太政大臣傷構堂之將墜、歎為山之未成、更發弘誓、追繼先行、每年十月十日開筵、至內大臣忌辰終講、是奉翼皇宗、住持佛法、引導尊靈、催勸學徒也、伏願以此功田、永施其寺、助維摩會、彌令興隆、使內大臣之洪業、與天地而長傳、皇太后之英聲、俱日月而遠照、敕曰、備

省來表、報德惟深、勸學津梁、崇法師範、朕與卿等、共植茲因、宜告所司、早令施行、二年廢帝即位、敕曰、內相於國、功勳已高、然報效未行、名字未加、宜下參議八省、卿博士等、準古正議奏聞、不得空言所無、濫汗聽覽、遂以仲麻呂為太保、敕曰、褒善懲惡、聖主格言、賞績酬勞、明王彝則、藤原朝臣仲麻呂、晨昏不怠、恪勤守職、事君忠赤、施務無私、愚拙則降其親、賢良則舉其怨、殄逆徒於未戰、黎元獲安、

固危基於未然、聖歷終長、國家無亂、略由若人、平章其勞、良可嘉賞、夫伊尹有莘之媵臣、一佐成湯、遂荷阿衡之號、呂尚渭濱之遺老、且弼文王、終得營丘之封、况自乃祖內大臣以來、世有明德、翼輔皇室、君歷十帝、年殆一百、朝廷無事、海內清平者哉、由是論之、準古無匹、况惠之美、莫美於斯、自今以後、宜姓中加惠美二字、禁暴勝強、止戈靖亂、故名曰押勝、在朕諸舅、唯卿良尚、故字稱尚舅、更給功

封三十戶、功田一百町、永為傳世之賜、以表

非常之勲、別聽鑄錢舉稻及用惠美家印、續

本紀○字佐託宣集引和氣清麻呂使宇佐畫記及水鏡曰帝見仲麻呂則笑故曰惠美

今按突惠美訓讀同蓋二書是日押勝奉敕得實而敕文飾其辭耳與中納言石川年足參議文屋智奴等改官名、渤海來聘、押勝宴之私第、賜女樂及綿一萬屯、京師大風、押勝家壞、賜絕綿若干、尋加賜帶刀資人二十人、通前四十人、四年正月帝幸其第、賜五位已上及從官主典已上節



部省絕綿有差、後數日上皇及帝御內安殿、授押勝從一位、上皇口敕曰、欲以太保為乾政官大臣、屢辭、故改太保為太師、乃賜隨身契、明日復幸其第、五年修平城宮、徙御近江保良宮、賜押勝稻百萬束、尋行幸保良宮、因宴其第、既而進正一位、賜近江淺井高島二郡鐵穴各一處、帶刀資人六十人、通前百人、其夏冬衣服官給之、渤海來聘、又宴其第、賜雜色袷衣三十櫃、押勝家素豪富、而寵祿日

加、至是起宅楊梅宮南、構樓東西、高臨禁闕、南門為櫓、押勝子真先、訓儒麻呂、朝獵進參議、小湯麻呂、薩雄、辛加知、執棹、皆任衛府國司、其餘姻戚、亦居顯要、押勝慮眾怨作、猜防益甚、時僧道鏡常侍上皇、押勝寵幸寢衰、私謀除之、八年諷上皇、為都督四畿內三關近江丹波播磨等國兵事使、管內兵士、每國二十人、五日更番、集都督衛、簡閱武藝、準諸國試兵之法、奏可、押勝私倍其數、用乾政官印

而下之、大外記高丘比良麻呂懼禍及、密奏  
狀、押勝呂陰陽頭大津大浦、以問吉凶、大浦  
察其意亦告之、上皇遣少納言山村王、收中  
宮鈴印、押勝令訓儒麻呂邀奪之、近衛物部  
磯浪走而告、帝遣授刀少尉坂上莉田麻呂  
將曹牡鹿島足、射殺訓儒麻呂、押勝又遣中  
衛將監矢田部老劫之、授刀紀船守射殺之、  
詔曰、太師正一位藤原惠美朝臣押勝起兵  
作逆、因削官位、并除藤原姓字、其職分功封、

宜悉沒收、乃遣使守三關、其夜仲麻呂招合  
黨與、自宇治奔近江、從五位下藤原藏下麻  
呂將兵討之、上皇敕曰、聞逆臣惠美仲麻呂  
盜取官印逃去、身為人臣、飽承厚寵、寵極福  
滿、自陷深刑、劫略愚民、欲為非望、若有勇士、  
能廻計謀、急為剪除、即當重賞、又北陸道諸  
國、不須承用乾政官印、山背守日下部子麻  
呂、衛門少尉佐伯伊多智等、直取田原道、先  
至近江、燒勢多橋、仲麻呂見之失色、走高島

郡宿前少領角家足家將走越前夜有星隕于仲麻呂卧屋上大如甕伊多智等馳至越前斬守辛加知而仲麻呂不知擁立氷上鹽燒爲帝真先朝獵等爲三品遣精兵數十入愛發關授刀物部廣成擊却之仲麻呂進退失據乘船渡淺井郡鹽津逆風船將覆乃取山道直赴愛發關伊多智等射殺數人仲麻呂還至高島郡三尾碕與佐伯三野大野真本等戰自午及申官軍疲頓會藏下麻呂兵


至真先引衆而退三野等乘勝逐北殺傷頗多仲麻呂遙望衆敗乘船逃亡官軍水陸交攻仲麻呂阻勝野鬼江盡銳而戰衆潰仲麻呂與妻子三四人浮江軍士石村石楯獲仲麻呂斬之傳首京師年五十九妻子及從者三十四人皆斬之又誅其黨美濃少掾村國島主敕仲麻呂所改官名悉復舊詔曰逆賊惠美仲麻呂爲性凶悖威福日久然猶含容冀其自悛而寵極勢凌遂謀大逆乃以今月

十一日發兵掠奪鈴印竊立氷上鹽燒偽造  
 乾政官符發兵三關諸國奔據近江國亡入  
 越前關官軍責赫分道追討十八日即斬仲  
 麻呂并子孫同惡相從氷上鹽燒惠美巨勢  
 麻呂仲石伴石川氏人大伴古薩阿倍小路  
 等剪除逆賊天人同慶宜布告遐邇咸令聞  
 知又敕復豐成官位子真從真先先或作光訓儒  
 麻呂朝獵小湯麻呂刷雄薩雄辛加知執棹  
 真從勝寶初敘從五位下先父卒真先寶字

中為鎮國衛驍騎將軍兼美濃飛驒信濃按  
 察使至參議正四位上兼太宰帥訓儒麻呂  
 侍中宮院宣傳詔旨至參議兼丹波守朝獵  
 寶字初為陸奧守尋為按察使兼鎮守將軍  
 敕陸奧造桃生城出羽造雄勝城城成詔曰  
 盡命事君忠臣至節隨勞酬賞聖主格言昔  
 先帝數降明詔造雄勝城其事難成前將既  
 困然今陸奧國按察使兼鎮守將軍正五位  
 下藤原惠美朝臣朝獵等教導荒夷馴從皇

化、不勞一戰、造成既畢、又於陸奧國牡鹿郡、  
 跨河凌嶺、作桃生柵、奪賊肝膽、眷言惟績、理  
 應褒昇、特授從四位下、四年秋、新羅使金貞  
 卷朝貢、使聘之禮有闕、命朝獵詰問之、遂却  
 之、事在新羅傳、既而為仁部卿、仍兼按察使、  
 又為東海道節度使、至從四位上、為兵部卿、  
 六年拜參議、續日本紀初、神龜中、按察使大野東  
 人築陸奧多賀城、朝獵在任、建碑記道程里  
 數、多賀城碑小湯麻呂從五位上、薩雄右虎賁率、

辛加知左虎賁督、越前守、執棹從五位下、美  
 濃守、皆與父同誅、刷雄勝寶三年為遣唐留  
 學生、授從五位下、四年從大使藤原清河入  
 唐、父誅時、以少修禪行、免死、流隱岐、後召還、  
 寶龜中復本位、本姓、為但馬守、尋進從五位  
 上、歷刑部大判事、大輔、上總守、延曆中歷大  
 學右大舍人、陰陽頭、續日本紀  
 弓削道鏡、河內人、○按皇胤紹運錄為施基  
 皇子、公卿補任及他書  
 所不載、恐謬、少為僧、以禪行聞、孝謙帝召入  
 故、今不取、



內道場為禪師

續日本紀

道鏡師事僧正義淵、修

如意輪法宿曜法有驗、由是見寵遇

歷代寶皇紀

字中孝謙上皇幸保良宮不豫、道鏡常侍側、

帝以為言、上皇不說、乃還、尋遣使山階寺、宣

詔罷少僧都慈訓、以道鏡為之、先是藤原仲

麻呂得寵擅權、及得道鏡、仲麻呂稍見疎斥、

謀反伏誅、上皇下詔曰、朕見禪師所行至淨、

繼隆佛法擁護、帝祚、今朕雖剃髮著袈裟、不

可不覽朝政、佛典言、國王在位時、受持菩薩

淨戒、可知出家之形、不妨政治矣、由是思惟、

出家天子、必有出家大臣、因授位為大臣、禪

師職分封戶、一準大臣、道鏡上表辭、敕曰、覽

大臣禪師表、具知來意、唯守沖虛、確陳退讓、

然興隆佛教、無高位則不得服眾、勸獎緇徒、

非顯榮則難、令速進、今施此位者、豈煩禪師、

以俗務哉、宜照斯意、即斷來表、自帝被廢、道

鏡恃寵彌恣、神護元年、以道鏡為太政大臣、

禪師、令文武百官拜賀、

○字佐託宣集引和氣清麻呂使宇佐畫

記曰、道鏡曰、我任僧都、俗士所輕、請任太政  
 大臣、輔成朝政、許之、道鏡帶劍、執笏、著袈裟、  
 恣行除目、云云、其書載道鏡事甚詳、然以仲  
 麻呂謀反、為道鏡為法王後之事、與本史不  
 合、故以附取、山階寺僧基真詐咒縛童子、教說  
 人陰事、作毘沙門像、置數顆小珠於前、稱現  
 佛舍利、道鏡欲眩眾以為己瑞、乃諷帝赦天  
 下、賜人爵一級、帝大悅、迎舍利、擇諸氏有容  
 貌者二百人、服金銀朱紫、捧幡蓋、列前後、百  
 官主典已上拜之、以道鏡善教導僧徒、感得  
 舍利、詔授法王位、并授基真法參議、大律師、

正四位上、賜姓物部淨志朝臣、隨身兵八人、  
 授僧圓興法臣位、圓興基真師也、法王月料  
 準供御法、臣準大納言、法參議準參議、於是  
 道鏡乘鑿輿、服食一擬供御、政無巨細、莫不  
 取決、弟淨人起布衣、八年間至從二位大納  
 言、一族男女敘五位者十人、景雲元年置法  
 王宮職、以造宮卿高麗福信為大夫、大外記  
 高丘比良麻呂為亮、敕旨大丞葛井道依為  
 大進、少進一人、大屬一人、少屬二人、基真放

大略本史 卷之二十一 川傳 十一

肆狂虐、不避卿大夫、道路畏如虎、未幾坐凌  
 突圓興、擯於飛驒、三年正月、道鏡受大臣以  
 下賀於西宮前殿、數日帝宴其家、道鏡與五  
 位已上摺衣人一領、太宰主神中臣習宜阿  
 曾麻呂矯宇佐八幡神教曰、令道鏡即位、天  
 下太平、道鏡聞之、稍懷覬覦、帝惑之、遣和氣  
 清麻呂受神教、清麻呂還奏神不許、道鏡大  
 怒、貶竄清麻呂、寶龜元年帝幸由義、續日本紀與  
 道鏡遊處、狎褻無所不至、道鏡欲益悅帝意、

進以淫具、因是得疾、歸平城而崩、鏡水道鏡謂

威福由己、人應推戴、山陵事畢、留廬陵下、羣  
 臣立白壁王、是為光仁帝、坂上莉田麻呂奏  
 道鏡罪惡、令曰、聞道鏡法師挾舐糠之心久  
 矣、陵土未乾、奸謀發覺、此則神祇所護、社稷  
 攸佑、顧先帝厚恩、不忍致刑、減死為造下野  
 藥師寺別當、即日發遣、又貶習宜阿曾麻呂  
 為多禰島守、神護以來僧尼度牒、一用道鏡  
 印、至是改用治部省印、三年道鏡死于貶所、



以庶人禮葬之

續日本紀

...

...

...

...

...

...

...

...

大日本史卷之二百二十七終

大日本史卷之二百二十八

列傳第一百五十五

權中納言從三位源光圀

男權中納言從三位綱條

玄孫權中納言從三位治保重校

叛臣二

平將門

藤原純友

平忠常



安倍賴時子貞任

源義親文

平將門、上總介高望之孫、鎮守府將軍良將

第三子也。持○扶桑略記、今昔物語、良將為良

誤、稱相馬小二郎、平氏系圖勇悍過人、最工騎射、

少仕攝政忠平、求因其薦為檢非違使、忠平

不之省、將門失望憤怨。神皇正統記去赴關東、居

下總豐田郡。扶桑略記率徒屬來往常陸下總之

間、以攻剽為事。今昔物語時伯父國香為常陸大

掾、將門攻殺之。將門記、神皇正統記有源護者、其三子

扶隆、繁皆為將門所殺、護力不能報、居常歎

恨、將門伯父良兼為下總介、與姪良正竝娶

護女、良正勸良兼殺將門、報婦家之讎、先是

良兼以女事與將門、忤。將門記、伯父及姪據

叔父及弟又爭良將田、互相怨惡。今昔物語承平六年

良兼擊將門於常陸、國香子左馬允貞盛往

而從良兼、將門迎于新治郡禦之、從百餘騎

親出訶察、遇下野界上、良兼兵數千人、將門

先麾步卒射殺人馬八十餘良兼兵恇駭潰走將門追而圍之已而以為夫婦親而喻瓦親戚疎而喻葦我殺此曹布譏遠近乃解圍一角良兼及從兵千餘人得脫將門朝廷以擅相攻伐侵擾百姓徵將門將加之罪將門馳詣京師陳狀自辨準輕得釋將門記今昔物語七年良兼復擊將門戰常陸下總之間將門以軍中有神異收兵而還良兼縱兵焚掠豐田郡粟栖院常羽御廚皆罹煨燼良兼憾不獲

將門賂其奴子春丸覘石井營悉得要害十月二月乘夜襲之將門兵不滿十人瞋眼大叫而進馳騁風飛射殺多治良利良兼兵不戰而逃良兼自是力竭不能復戰貞盛奔京師天慶二年良兼卒將門記將門遂據下總常陸人藤原玄明輕侮長官乾沒官物介藤原維幾欲抵之罪玄明懼降將門將門欲藉其鄉導取常陸參取將門記今昔物語乃率千餘人赴常陸扶桑略記維幾設備以待將門遣人謂維幾釋玄

明則我便罷兵、維幾不聽、將門擊殺三千人、  
 執維幾歸、奪印鑰、焚掠街市、將門記、參取武  
 藏權守興世王凶險好亂、通好將門、恊心計  
 畫、介源經基奔京師奏狀、下詔詰責將門、將  
 門逼常陸下總下野武藏上總、取解文證無  
 異志、朝廷信之、今昔物語、參略興世王說將門  
 曰、掠取一國、罪不容赦、不如并坂東以窺時  
 機、將門大喜、攻下野、守藤原弘雅等迎降、至  
 上野、將門記、今昔物語、日本紀略、扶桑略記逐介藤原尚範、乃

入府廳、改易官吏、今昔物語、日本紀略、扶桑略記適有人來  
 稱八幡使者、揚言於衆曰、朕將讓位於蔭子  
 將門、可奏樂來迎、將門再拜受命、一軍忻躍、  
 將門自稱新皇、弟將平諫曰、帝王之興、自有  
 天命、阿兄宜熟計、將門不聽曰、當今戰捷者  
 為天子、於弓箭之藝、我稟之性、復何所憚、將門  
記、今昔於是歸下總、造偽宮於猿島郡石井  
物語、於是以磯橋擬京師、山崎大井津擬大津、  
鄉略扶桑將門記、今置大臣以下文武百司、唯曆博士  
昔物語、

不得其人

扶桑略記今昔物語

以弟將賴為下野守將

文相模守將武伊豆守將為下總守多治經

明上野守興世王上總守藤原玄茂常陸守

文室好立安房守

扶桑略記

諸國長吏望風遁亡

世呼為外都鬼王

平氏系圖

信濃常陸驛奏相繼

官符修東山東海要害鄰境增守備

日本略紀初

將門登比叡山下瞰京師有窺窬之心

神皇正統

記與藤原純友相約曰他日我據天位以子

為關白

大鏡

純友鈔盜南海山陽之間聞將門

起亦攻殺守宰擾亂瀕海

日本紀略

將門遺

書攝政忠平訴身被迫脅出不得已而朝廷

按驗不審措置乖錯曰先年以源護訴被責

問晨夜上道幸蒙恩赦歸著舊堵爾後良兼

率數千兵襲攻將門不能背走與之相防事

具注下總所上解文公家既下追捕良兼官

符而更召將門依心不安不敢上道又今年

之夏貞盛奉召問將門之官符到常陸國司

牒送貞盛者脫追捕奔京師之人公家宜糺

明其由、而反給得理之官符、是矯誣之著者也、又常陸介藤原維幾、息為憲、怙藉父勢、狂暴害民、將門從士玄明、愁訴不已、將門欲究問其事、親莅彼境、為憲與貞盛同心邀戰、將門防而破之、是非將門本意、事蓋出不得已也、而自計已滅一國、憲法所不赦、雖復至百縣、其罪惟同、是以候朝議之間、管領坂東諸國、將門柏原帝五世孫、領天下半、誰謂不可、自昔振兵威、取天下者、史書所見、將門材武、

天之所與、而公家無褒賞、屢遭譴責、省身多恥、面目何施、惟憾少年之日、奉名簿於殿下、當攝政之時、不意為此舉、歎恨可勝言、將門記三年、以參議右衛門督藤原忠文為征東大將軍、討之、募東山東海建殊功者、賞以不次、將門巡武藏相模、置留守、課賦役、聞貞盛在常陸、率兵搜討、久之不知所在、以為無虞、歸下、總放遣兵士、所留可千人、貞盛偵知之、與下野押領使藤原秀鄉率兵來襲、將門倉皇

出拒大敗、貞盛秀鄉乘勝攻之、將門自度眾寡不敵、欲誘致二將於險擊之、走保幸島、○扶

桑略記作

貞盛秀鄉縱火燒其營、追戰於島

之北山、先是將門常選精兵八千人以自衛、

時未集、眾僅四百餘人、拒戰甚力、官兵小卻、

貞盛秀鄉督士卒大戰、遂敗之、將門單騎突

陣、貞盛射斃之、傳首京師、黨與皆伏誅、今昔物語

藤原純友、權中納言長良曾孫、父良範筑前

守太宰少貳、尊卑分脈純友性狼戾、無行檢、為伊

豫掾、扶桑略記承平中南海道羣盜大起、抄掠海

中、沿海郡邑為之騷然、朝廷以紀淑人為伊

豫守、追捕海賊、日本紀略純友亦以國掾行

追捕事、外記賊服淑人威信、率眾歸降、日本紀略

扶桑略記既而純友蓄異謀、任滿不還、日本紀略

居日振島、日本紀略續于時平將門跨常陸

下總之間、威震鄰國、純友誘餘黨應之、潛圖

犯京師、密遣兵士、每夜行火坊肆、都下驚擾、

扶桑略記備前介藤原子高伺得蹤跡、欲詣京師

奏之、純友追殺之、虜其妻孥、并害播磨介島

田惟幹、日本紀略天慶二年朝廷下符、教喻

純友、授從五位下、純友不悛、狂悖日甚、讚岐

介藤原國風來攻之、反為所敗、奔于阿波、純

友進焚讚岐國府、國風又奔于淡路、聚勇悍、

還讚岐、扶桑略記純友略伊豫讚岐、又犯山陽地、

追捕使左衛門尉在原相安敗走、純友燒周

防鑄錢司土佐八多郡、日本紀略朝廷以左近衛

少將小野好古為追捕使長官、太宰少貳源

經基為次官、右衛門尉藤原慶幸為判官、志

大藏春實為主典、分往播磨讚岐、造戰艦二

百餘、徑赴日振島、純友艤千五百餘艘逆之、

官軍未至、渠帥藤原恒利來降、恒利具知海

陸險夷及賊之巢窟、扶桑略記藤原國風因為鄉

導、選勇悍追擊之、純友軍大敗、日本紀略國

風分兵絕陸路、遣輕舟認其泊處、遇風失所

在、扶桑略記純友遁至太宰府、勢復振、官兵敗退、

純友入太宰府、取累代財物、焚館舍、管内震



懾日本紀略扶桑略記參議右衛門督藤原忠文為征

西大將軍總諸軍討之未發扶桑略記小野好古

由陸路藤原慶幸大藏春實由海路趨筑前

博多津攻之純友眾潰擒斬略盡獲船八百

餘艘羸弱逃入海純友亡還伊豫警固使橘

遠保斬之扶桑略記外記日記子重太九年十三殆如

成人從父為盜同時被殺日本紀略外記按日

尊卑分脈純友三子有信紀年伊王丸有信紀年不知所終伊王丸蓋紀略所謂重太丸

乎遠保齋純友父子首歸京命畫工摸寫帝

臨觀之今昔物語

平忠常○常一作恒上總介高望曾孫鎮守府

將軍良文孫也良文居武藏村岡稱村岡五

郎父忠賴稱村岡次郎平氏系圖忠常居下總扶桑

略記○左經任上總介百鍊鈔扶桑略記平

為下總敘從五位下為武藏押領使平氏系圖忠

常世居東國族眾彊盛恃勢暴橫陸奧話記

盤踞二總之地不輸貢賦不供徭役今昔物語長

元元年舉兵反陷上總國府小右侵安房燒

元元年舉兵反陷上總國府小右侵安房燒

殺守惟忠

編年殘編  
本書姓闕

朝廷使檢非違使平直

方等帥東海東山二道兵追討

日本紀略  
扶桑略記

年又官符北陸道與二道兵同討

日本紀略  
小右記

桑略

三年安房守藤原光業畏忠常弃印鑰

逃歸京師

日本紀略  
取編年殘編

直方等久無功詔呂

還之

日本紀略  
百鍊鈔

敕甲斐守源賴信代之

日本紀略

殘

百鍊鈔  
編年誤

時忠常族人雄視武總間

四年賴信進軍次常陸

四年據  
左衛門尉

平惟基屬焉

總常間有大水忠常扼要害為

防守備賴信遣人諭之忠常曰僕素聞君

名當委身麾下然惟基者僕之仇家而在公

左右僕不忍跪拜仇人之前且大河無船不

可得濟卒不奉命既而賴信率兵直涉

今昔  
物語

○按平惟基疑即維幹也維幹者國香之孫

國香子貞盛嘗與源經基同誅平將門賴信

者經基之孫故亦與維幹合勢而忠常者將

門之從侄而據有將門故地故與維幹為世

讎也然今無他書忠常倉皇不知所出薙髮

改名常安與二子常昌常近等奉書而降賴

信以忠常還至美濃野上忠常病死因斬首

入京、廷議以忠常既降、且東國疲弊、不煩窮

討而寢、左經記常昌後任下總權介、稱千葉介、

千葉上總二氏皆其後也、平氏系圖

安倍賴時、初名賴良、陸奧古語記祖父忠賴世

居陸奧、為俘囚酋長、陸奧古語記父忠良為陸奧大

掾、賴時稱安大夫、安藤系圖藉父祖之業、勢益彊

大、橫行陸奧、劫略人民、部落皆服、遂為六郡

豪帥、陸奧古語記、今昔物語、○按東鑑所謂六郡伊澤加賀江刺稗枝志波岩手也

西界白河關、東抵率土濱、衣川形勝當其中

央、據險設關、名曰衣關、跨有海陸、資產豐饒、

東鑑文不輸貢賦、不供徭役、國守不能制、永

承中守藤原登任、發兵數千人討之、以秋田

城介平重成為先鋒、親為後繼、賴時以諸部

之俘囚、逆戰于鬼切部、大敗之、事聞、朝議以

源賴義為陸奧守鎮守府將軍、討之、會有大


赦、許賴時自新、賴時大喜、罷兵、以犯國司嫌

名改今名、○賴義賴良訓讀相同賴義任終、視事鎮守

府、賴時贈駿馬金寶、厚賂士卒、賴義歸國府、

權守藤原說貞之子光貞元貞從賴義宿阿  
 久利川有人劫其營殺傷人馬賴義召光貞  
 問宿昔無有所怨邪對曰賴時長子貞任嘗  
 欲聘我妹我賤其門族不許意彼所為也賴  
 義令收貞任賴時怒曰人之在世誰有不念  
 妻子貞任雖不才我何忍坐視其死乎我衆  
 固足拒戰不如閉關俟其來攻也戰若不利  
 闔族同死亦無所憾遂閉關復反賴義勒兵  
 擊之賴時女壻藤原經清平永衡以部下兵

歸賴義或惡永衡於賴義收斬之經清疑懼  
 率部下兵奔于賴時陸奧話記今昔物語賴義歸救國  
 府使氣仙郡司金為時攻賴時賴時使弟僧  
 良照拒之為時雖頗有利而無後援一戰而  
 退賴時聞俘囚安倍富忠起兵屬官軍親往  
 陳說利害衆不過二千人富忠設伏迎擊之  
 嶮岨交戰二日賴時中飛矢還鳥海而死時  
 天喜五年也陸奧話賴時有八子長盲目稱井  
 殿次貞任次宗任稱鳥海三郎次僧官照稱



境講師、次正任、稱黑澤尻五郎、

東鑑○按安藤系圖以

照為井殿名、藤崎系圖以

為家任、薙髮之稱、並誤、次重、任、稱北浦六

郎、次家任、稱鳥海彌三郎、

安藤系圖○按藤崎系圖以重任為

正任兄

次則任、稱白鳥八郎、

東鑑、藤崎系圖、名據陸奧話記、

○本書

作行任

貞任居廚川邑、稱廚川二郎、容貌魁偉、皮膚

肥白、長六尺餘、腰圍七尺四寸、及父死、遂領

其兵、陸奧話記、天喜五年十一月、貞任聞源

賴義來攻、自帥精兵四千餘、出據河崎柵、逆

戰于鳥海、時大風雪、官軍飢困、貞任縱精騎

衝之、殺數百人、更以驍騎二百餘、張左右翼、

夾擊、大破之、賴義僅脫、貞任兵勢益熾、劫略

人民、扶桑略記、別使藤原經清率兵數百出

衣川關、遣使諸郡、用私符徵官物、康平五年

賴義與清原武則等合兵、攻貞任叔父僧良

照柵、良照軍大潰、弟宗任將騎八百、出柵拒

戰而敗、陸奧話記、別遣游騎襲清原武道陣、

又見敗、陸奧話記、遂棄柵逃走、久之官軍乏食、陸奧

昔話記、今物語、宗任乘其弊、誘磐井以南諸郡、使邀

官軍糧道、奪其輜重、陸奧話記貞任謀于衆曰、聞

頃日敵軍食盡、四散求糧、營中之兵、不過數

千、我以精銳襲之、則破之必矣、九月率精兵

八千餘襲之、官軍有備、貞任大敗、還營、官軍

乘夜逼攻、放火燒之、營中大亂、自相鬪擊、死

傷甚多、棄高梨宿石坂柵、退保衣川、扶桑略陸奧話記

刊木塞路、據嶮拒守、明日官軍來攻、燒藤

原業近柵、貞任望火起、大驚、又退保鳥海柵、

陸奧話記、今昔物語、其驍將平孝忠、金師道安倍時任

安倍貞行、金依方等皆戰死、陸奧話記既而官軍

奄至、貞任宗任不戰而走、保廚川柵、扶桑略陸奧話記

昔話記、今物語、其地西北大澤二面阻河、岸高三丈

餘、柵上構譙樓、隍中樹刃、施鐵蒺藜、守備甚

固、官軍又圍之、貞任發矢石、澆沸湯、拒守甚

力、婦女數十、登樓唱歌、以激官軍、賴義怒急

攻之、貞任擊殺數百人、陸奧話記官軍壞屋填塹、

放火燒之、會大風暴起、樓櫓屋舍一時焚蕩、

賊兵大潰亂官軍紆圍出之橫擊殆盡貞任  
 揮劍出戰官軍攢鉞刺之不殊載之大盾阜  
 至賴義前賴義責其罪貞任不言尋死時年  
 四十四扶桑略記陸奧生擒弟重任及藤原  
 經清斬之弟家任伯父為元降陸奧昔物語良  
 照逃至出羽為守源齊賴所擒扶桑略記貞  
 任有二子長千代童子年十三美容色驍勇  
 有祖風貞任之敗出柵而戰為官軍所獲賴  
 義矜之欲貫死武則進諫曰將軍莫思小仁

而遺大害也賴義然其言斬之

扶桑略記陸奧昔物語

次高星乳母懷之遁匿于津輕藤崎後遂

領其地

藤崎系圖

初傳貞任首于京師使降者擔

之至近江監者命擔夫洗梳之擔夫請櫛監

者曰盍用汝櫛擔夫垂泣曰我主在世仰之

如天豈思今日以我櫛梳主髮也嗚咽久之

觀者愍惻

扶桑略記陸奧昔物語

宗任及戰敗投泥

淖中得免聞家任等降率弟則任及金為行

金則行金經永藤原業近藤原賴久藤原遠

久等出降陸奧話記弟正任逃匿出羽聞之

亦降陸奧話記七年春賴義以宗任正任僧良增

等五人至京師放宗任家任于伊豫良照于

太宰府一代要記百鍊宗任在賴義之家為

義家所親近古今著聞集○平家物語曰宗

任夷人其為必陋取梅花示之宗任以和

歌答之曰和我久珥能牟迷能波柰斗波美

多禮妬毛於保美夜比斗和以加我以布羅

牟朝士愧而退蓋後世好事者為之今不取

後為僧居筑紫今昔物語松浦黨其後也劍卷

源義親鎮守府將軍義家第二子為左兵衛

尉任對馬守敘從五位上尊卑分脈康和中橫行

鎮西侵陵人民朝廷發兵討之百鍊明年義

家遣從士召之不至又殺官使中右記以罪流

于隱岐百鍊○尊卑分脈云義親以康和

年蓋和五誤而義親不至流所留在出雲殺目代

鹵人民掠官物百鍊嘉承二年朝廷以

平正盛為追討使討之尊卑分脈帝王編年

長七誤天仁元年伏誅梟首右獄百鍊古事談

子義信義俊義春一本春作泰為義宗清義行義



信稱對馬太郎、敘從四位下、任左兵衛佐、尊

服為義、在義家傳、義親既伏誅、後屢有偽稱

義親者、或被捕、或被殺、參取百鍊鈔、中

右記、長秋記、五

由入、及、神、

而、義、

不、

不、

大日本史卷之二百二十八終

